

CL. age age, transducatur Bacchis. *SY.* optume ipsa exit foras.

iv BACCHIS CLINIA SYRVS DROMO PHRYGIA

BA. Sati' pol proterve me Syri promissa huc induxerunt, decem minas quas mihi darē pollicitust. quodsi nunc me deceperit saepe obsecrans me ut veniam, frustra veniet; 725 aut quom venturam dixero et constituero, quom is certe renuntiarit, Clitipho quom in spe pendebit animi, 5 decipiam ac non veniam, Syrus mihi tergo poenas pendet.

CL. sati' scite promittit tibi. *SY.* atqui tu hanc iocari credis?

faciet nisi caveo. *BA.* dormiunt: ego pol istos commovebo, 730 mea Phrygia, audisti modo iste homo quam villam demonstravit

10 Charini? *PH.* audivi. *BA.* proxumam esse huic fundo ad dextram? *PH.* memini.

BA. curriculo percurre: apud eum miles Dionysia agitat: *SY.* quid inceptat? *BA.* dic me hic oppido esse invitam atque adservari,

verum aliquo pacto verba me his daturam esse et venturam. 735 *SY.* perii hercle. Bacchi', manē, mane: quo mittis istanc quaeso?

15 iubē maneat. *BA.* i. *SY.* quin est paratum argentum. *BA.* quin ego maneo.

SY. atqui iam dabitur. *BA.* ut lubet. nūm ego insto? *SY.* at scin quid sodes?